



Kibaru

A bc bo kalo o kalo "AMAP" ka yamaruya kono - Hake : 16.000.
"AMAP" Kuntigi : Gawusu DARABO - Dilanbagaw ni Sebenbagaw kuntigi : Lanze Samake

FANGA KA SEBAAYA TANGALIKO

Fanga latigera, kabini hadamadenw ye njogon soro, dije dugukolo kan. A latigera mogo min ma, o be wele ko fangatigi. O kokejnjogon mogo sugandilenw de ye fangalamogow ye. Olu bee ka fanga boliyoro be wele ko fangaso, i ko dugutigibulon, kubeda, meri, polisi, zandarimeri, garadiw ani sorodasiw dagaliyorow. Fangasow be jamana marabolo bee kono, k'a ta cikeduguw la, fo ka se dugubaw ma. Sebaaya min latigera fanga ye, jamana n'a konomogow, an'olu bolofenw lakanali kama, o barika ka bon, a ka girin, mogo kelen, wali kulu kelen ma. O de koson, a be fo, ko mogo ni fanga te kokejnjogon ye, bawo, sebaaya were te se, ka damakene, fanga ka sebaaya ma, jamana kelen kono, kuma te sebaaya were bilali ma, fanga ka sebaaya no na.

Jamana fanga ka sebaaya sabatili, a labatoli n'a tangali ye jamanadenw bee ma wajibi ye. O de koson, a be fo, ko hakilima te tanga wuli, k'a bo fanga n'a ka sebaaya kan. Otangawuli de be wele ko yeresagoké, min be talí ke kojugu suguya caman kan, n'oye tijeli kumaw, wali, tijeli walewye, minnu be fanga lagosi, ka jamana kunmasuuli, k'a konomogow kodon njogon ma. Fanga be se, ka dansigi yeresagoké la, cogoya caman na. A be se, ka ke laadilikow ni kangaridakow ye. A be se, kaké lasirannikow ye, mugu ni kise la. A be se, ka ke minelikow, kiirikow ani kasoladonkow ye, fo ka t'a se kasaara ma. Nka, ni fanga min ma se, k'a sebe jira, cogoya were la, min te lajabali, mineli, kasoladon ani fagali ye, o ka kan, k'a yere nininka, ka segin ko, k'a senkan ben mogow senkan ma. O de be fanga meen si la.

A kera cogo o cogo, ni sebaaya taara, ka fanga min bolo dan, o be ke fangalankolon ye, min sigien te fosi kun na, k'a masoro, bee b'i sago ke, cogoya la, min be jadigi faantanw doron de la.

Mali cikelaw ka tonba nemogo ka kuma hogonya

Mali cikelaw ka jekuluba nemogo nininkara fendamadowla, sefawari jaasili hukumu kono.

Nininkali folo la, a jirala k'a miiranata ye mun ye sefawari barika dogoyali la senekelaw fan fe, bawodow ko konuman don, dow ko k'a b'an ka soro nagasi, ka jamana ka netaa don bogo la.

Cikelaw ka peresidan y'a jira o yoro la, k'an be don min na, i ko bi, an be sek'a fo ko nafa be sefawari barika dogoyali la, k'amassorokerefe jamanaw be ka baganw ni sumanw ni pomutere jini u sen n'u bolo bee la Malife. Sumunu ka fo la, mogo dow fana jorelen don cikeminenw songo geleyalia.

nininkali filanan bora an ka baganw feereli nafa kan jamana kokan. Cikelaw ka jekuluba "A.P.C.A.M" kuntigiy'a jira ko Mali bagansogow songo yelenna sisani sijne fila ka temen korolen kan. Walasa do be se cogo min ka fara o nafa kan, fan k'an cesiri an ka baganw ladonni n'u


labalo kojuman fe.

nininkali sabanan senfe, a jirala ko <<A.P.C.A.M>>.nemogoba be wele jumen bila ka taa cikelaw ma, samiyec donda in na. A k'o siratige la kobana bee n'a fura don. Nka bone min be se ka na ni mogo ka here ye, i be Ala deli o waleyali la.

Cikelaw ka jekulu peresidan y'a jira ko sefawari nafa jaasili man kan k'an galabu faga, an k'an sigi k'an bolo d'an sen kan. Cikelaw, monnikelaw, jiriforotigw, baganmaralaw ani kungokono baarakelaw bee lajelen ka kan, ka dusu kura ta, u ka baara ketaw jeli siratige la, walasa u ka soro be se ka yiriwa cogo min na k'an faso ka netaa sabati.

Peresidan ko nka a da sera fen o fen ma, nin bee ntuloma ye cesiri ni bolodijogonma ye, wa u k'a to u hakili la k'anw Feyanabe fo ko «geleya koye here ye».

Farafin furabslaw lafasali



Fanga koro mogow ka kiiri

Mogo duuru ye nafolo kasabi do di goferenaman ma, k'u yere kunmabo sanni kiiri don ce.

Kiiritigeciyakeda bëe sanfèbolo, n'o bë wele ko : «kuru supèremu», o nemogoba y'a jira san 1994, Zuwenkalo tile 27, ko Musa TARAWELE n'a baarakéñogon minnutun minena k'ye jamana nafolo dun, k'olu. mogo 5 labilala fôlo ka bo kasol la, u kelen koka nafolo hake do di goferenaman ma, k'o k'u yere kunmabölfen ye sanni kiiritigedon lakika ka se.

O mogo duuru ninnu ye :

- Abudulayi Jalo, n'o ye minisiri koro ye,
- Mulayi Hayidara, n'o ye minisiri koro ye,
- Cenan kulubali, n'o ye minisiri koro ye,
- Janka kaba JAKITE, n'o ye Musa TARAWELE ka pariti «U.D.P.M.» kojenabo jekulu «B.E.C.» mogo ye,
- Abudulayi TARAWELE, n'a bë f'a ma ko : «TUPETI», n'o ye keñeyereye sorokela do ye.

Mogo 4 fôlo minnu kofora, jalaki ma bin olu kan jolibon kiiri tige waati, nka u tora kasol la, bawo siga ker'u la faso nafolodunko siratige la.

Min ye Abudulayi Tarawele ta ye, ale minena segesegeli kadara de kono, min kera sorodasiwka wariko nemaboyoro, k'o sababu ke nafolo yurugu - yuruguli ye o baarada in na.

A jirala ko «kuru supèremu» nemogoba ma mogo labilalen ninnu ka yerekunmabo nafolo da fo.

Kangaba seneko ni metewoko

San 1994 Zuwenkalo la, senekela mogo 10 hake latomona, Kangaba dugu caman kono, k'u kalan, senè baara ani metewo baara kécogo la, nogon fe. Metewo ciyakeda mogo faamuyalenwy'udegesanjiminecogo la, min ka kan, ka ke tile 10 ni tile 10 hake kono, walasa k'a lase sanjikow jateminyoro la, Bamako kono. A metewo baara kalan kuncera wale nafama min kan, o kera kenekanko ye. A kalanden bëe kelen-kelen ye seneforokene taari tilance soro, baaracogo kura sifileli kama.

Kulukoro mara musaka dese

Zuwenkalo tile 22 don, laje do kera Kulukoro, a marabolo ka san kura 1995 nata musakaw mumé jatew mineli kan. Osiratige la, a sabatirak'a musakakow bë gelya, k'o sababu ke nafolodese ye. O nafolodese sorola danfara de fe, min yera wari dontaw ni wari botaw ce, san mumé bëe kono. Jate minnu minera, oluye waridontaw hake ke sefa wari miliyon 270 ye, ka wari botaw hake ke sefa wari miliyari kelen nogon ye. Ofurance bë se, sefa wari miliyon 730 ma, min bë bila dese minen kono.

BURUKINA : Nanbara kera lekolidenw ka ekisamen na

Nogondan min kera Burukina ninan, walasa lekolidenw ka Berewe soro, n'o ye «B.E.P.C.» ye, a kolosira ko nanbara ker'o la. Minisiri jekulu ka tonsigi min kera Zuwenkalo tile 29 don, o y'a mogo lakodonnen folow nangi kosebe.

Osiratige la, mogo 5, lekolikaramogo kelen bë minnu na, olu genna, ka bo baara la, k'u bila sariyaso ka bolo kan; lekoliden 50 minnu no yera ja, olu senbora ekisamenko la, san 5 hake kono. Otemennen ko, jekulu do sigira sen kan, walasa, ka jenini nanbarako la, sanko, a bë dabilo cogo min na, bawo, n'ale bë senna, lekolidenw te kalan ke.

EMIRA: Musofurula nanbara kan

Larabu jamana mintogoye EMIRA, n'a faaba ye ABUDABI ye, o fangaso ye sariya do ta, a bë san sababu, min b'a jira, ko furudagalen t'u ka jamanadenw ni dunanw ce. A sariya kunsinnen bë cegananw de ma. Fen o fen b'o sariya latemenni nogoya, fo t'a se nafoloko ma, olu bëe dantigera. Muso furu wari bë di mogow ma, minnu bololawari kun ka dogo, musofuru la, u ka jamana kono, min musofuru musaka barika ka bon, ka temen kókan muso furu musaka kan. A sariya takun te siyawoloma ye. A sababu bora jatemine de la, min yefendamadow jira jamana nemogow la. A fôlo ye furu sumayali ye, kamalen kunda, k'o da wariko kan. A filanan ye musomannin furubaliw cayali ye, ka t'a fe, n'o kelen bë kongankoye, bangebagaw bëe bolo. O n'a taa o taa, mogow sorola, minnu ye nanbara ke, ka wari soro, ka laban, ka taa muso werew furu, minnu t'u ka jamana musow ye. O kama, a ko kòsiliyoro nana caya, min koro t'a dabilali ye, bawo, musogananw ka ca kojugu.

Kodiwari :

**Dō y'a muso faga,
k'a yere faga**

Zuwenkalo tile 9 don, ce do y'a muso kun tige ni bese ye, ka tila, ka boli, k'a kunda kungo kan. Mogowy'a no mine, ka t'a su dulonnen soro jiribolo dō la, kungo kono yen. A ce togo ye Gono OBAGEBE. Jiriforotigi don, min sigidugu ye Jini-Guwine ye, n'o ni Abijan ce ye kilometer 600 ye, tilebinyanfan fe. A n'a muso bilala nogon na, k'o kelen be, k'i césiri, u kerefe dugu kamalen kulu mogow ka fanali tobili baaraw la, k'i mago b'ale la. Tobili tun be ka ke kamalennin minnu ye, dugu bee de jera, k'olu kunben. Olu tun bor'u ka dugu la, ka na laadalasene de la, muso ce koroke yere de ka foro la. A taar'a muso soro, dunanw fanalisogo tigeli de la, gabuguda yere la, k'a kun tige, yoro nin kelen, ka soro, ka t'a yere faga, kungo kono. Fen min y'a bila nin ko ceju gu keli la, o be dogo la, mogow bolo, hali bi, k'a masoro, su te kuma...

Kodiwari :

Kafesenelaw bëna soro ke

Kodiwari jamana minisiri jekulu ka tonsigi min kera Abijan, Zuwenkalo tile 23 don, oy'a jira, ko kafe sansongo bëna yelen kafesenelaw bolo, fo ka se dorome 4 ni tama kelen ani pikini 4 ma, dorome 20 kelen bee kan, n'o ye (21,4 %) ye, san kura nata 1994-95 sannifeere waati kono. N'o kera, kafe juman latomolen wòrolen kilo be san, sefawari dorome 70 na, kafesenelaw bolo.

A jirala, ko kafe songo ye yelenko saba soro, kabini san 1993-94 la, n'a kilo tun ye sefawari dorome 34 ye, o tuma la. A soñgoyelen sababu bora kafeyere geleyalicogode la, diñe kono, fo k'a kilo se sefawari dorome 220 ma. Kodiwari min be kafe feereliko sigiyoro sabanan ha; diñe bee kono, o ye kafe songo yelen, walasa, k'a seneli dusu don, a ka jamana konomogow bee kono, sanko kafe soro ka caya, ka temen toni 140.000 kan, n'o ye salon kafe sorolen hake mume ye.

Musa Sako ye Kayi "INPS" garidiyen kun tige

Wale jugu caman be deli ka ke Kayi ni Senegali ni Moritani jamanaw dance la, i n'a fo bagansone n'a njogonnaw. Nka min tun ma deli ka ke Kayi mara kono folo n'o ye mogó kunkolotige ye, o do de kera Kayi dugu kono Zuwenkalo temennen.


Waati kofolen in na, Mali ciyakeda min ka baara jesinnen don hadamadenw lakanani ma, u ka baara siratige la, n'o ye «INPS» ye, o bolofara min be Kayi, mogofagala do y'o baarada kolosilibaga (garidiyen) Seku TARAWELE kun tige k'a b'a kan da la.

Mogofagala in min togo ko Musa

SAKO, garidiyenw de y'a mine dugutilaba fe, k'u t'u ka yoro kolosi munun-mununni na. Kabin'u ye ce in ye, bese b'a bolo, fen do b'a kaman koro, u somin'a la.

«SOMAGES» n'o ye baaradakolosiliaw ka seriwusi ye o garidiyenw de farala nogon kan, ka mogofagala in gen fo k'u tegé d'a kan. Mankan ye dugumogó minnu lakunun, olu nana fara garidiyenw kan ka ni jugu in ci fo k'a jeda kira kan. O ko u taara n'a ye dogotoroso la.

Nka Musa SAKO be k'a yere ke fatoyewalasa ka mogow hakili soñe.



Sanfe ja la, Seku Tarawele
kunkolo tigelen bilalen be
Musa Sako dalen kerefe,
Kayi dogotoroso la.

Jukoro jaye Seku Tarawele
dalén y'a fagayoro la. A
kunkolo t'a la. O de file
Musa Sako kerefe, sanfe
ja la.



Kibaru Kanubagaw n'a Kalanbagaw Kuma yoro

Ka bo Kayi

Zuwenkalo temennen, kayi goferenere n'a ka mara foroba ciyakeda nemogow ye san 1994 foroba wariko jatemine. U ka jate la, Kayi mara ka san 1994 nafolo sorota kasabi be se miliyon 195 ma, k'a soro musakaw ka ca ni miliyon 800 ye. O sababu la, Kayikaw ka soro binda be se fo miliyon 600 ma. N'an y'o binda sanga san 1989 ni 1993 ce ta ma, an b'a ye, k'a fo k'o san 4 bone ma temen miliyon 421 kan.

Min ye Kayi soroda nafolo ladonni ye, ojate minera, k'a ke miliyon 177 ye. N'an ye nafolo ladonta hake, suma musakaw ma, an b'a ye k'a fo ko min be ladon, o ka doce ni musakaw ye fo ka se miliyon 623 ma.

Laje in min kera Kayi foroba wariko jatemine kan, a nemogoya tun be goferenere Lasana Kone yere bolo, min ye mara ka geleyaw jira tonsigilaw la, lenponiwusuru werew mineli la Kayi mara kono. A y'a jini u bee fe, u ka yelema don u baarakecogo korla, walasa k'u ka mara ka netaa n'a ka yiriwali sira waga bo.

Ka bo Sikasso

Dugukoloko mankan do be Mali ni Kodiware danfara cikelaw ni nogon ce, Sikasso mara fanfe.

Miseni ye dugu ye Mali la, min ni Kajolocye kilometer 50ye. Miseni ni Kodiware dugu do, n'o ye Benge ye, senedugukoloko fognonko do b'olu ni nogon ce, min te biko ye. A san 4 ye ninan ye, kafo fila ninnu nemogow ladonniyara dugukoloko in wojo la, walasa k'a sitane dagun. Nka halisa ta ma bo, sisi ma bo ko in na, o de y'a ke Miseni kafo dugu misennin fila cikelaw, n'o ye Dowon ni Kaleyeye, olu murutira k'u labennen don ka fu siri dugukoloko in na ni fangabolow desera.

Mali cikela kofolen ninnuy'a jira, k'u sigijogon kodiwarikaw be ka kasa temen kono wooco kan, bawo u b'u, dance sago, dance min ye kodoye, n'a be wele NPikon.

Miseni kafo dugutigi fila ka fo la, kodiwarikaw be ka dantem'en wale caman de ke, i n'a fo jiritige ni

forokurabo n'a bagabagali. Nin walew geleya kera sababu ye, Sikaso goferenere yere ka sene ci Korogo ta ma, u k'a laje ji nemajolen na, ka fognonko sitane silasa fan filabee ka here la.

Nka fo ka na se bi ma, kodiwarikaw m'u kanbo foloko in bilali la bolo kelen kan.

Ka bo Yelimane

Kolonsenna dow be yelimane a be fo minnu ma ko bolibaana. Kolonsenna minnu sigira Segu, a san 3 ye ninan ye.

Bolibaana kuntigi ye sidiki Kulibali ye, min sigilen be Yelimane. A boudugu yere ye kolokani mara ye, a Faso ye basala ye, n'o be jijeni fe.

Kolonsennaw ka warimarala ye Bubakari Sidibe ye. U ka kolonsen minenw be lamara Jibirili Sisokobara. Minensanna ye Pate Kulibali ye. Bolibaana ni «G.R.D.A» ani tubabu kolonsenna dow be baara ke nogon fe Pari marakaw ka kolonsen ni jamana kono jekulu werew ni dugu werew ka ninini na. Bolibaana b'a sekodamajira ke nin bee la, k'u ka baarake fo k'u wasa. Bolibaana hami ye fen min ye bi, oye baara numankeye, walasa ka mogocaman soro, minnu mago b'u la. Bolibaana ye miiri numan were soro, n'o y'an faso kanw kalanni ye, ka wulakonemogow bo dibi la, n'o ye kunfinya dibikuru ye. Bolibaana kolonsennaw ye balikukan damine nin'y'a sankelenye. Bolibaana kuntigi yere Sidiki Kulibali ye larabukan kalan, o ko a ye bamanankan kalan.

Sidiki Kulibali Bolibaana nemogo (Yelimane)

Ka bo Npeseribugu

Npeseribugu ye dugu ye, min be Masantola mara la. A be Masantola ni koron ce. Npeseribugu ni Masantola ce ye kilometer 18 ye.

Bataki in cibaga, n'oye Mamadu Jara ye, a k'a b'an ladonniya ko samiy'e daminera ni geleya dowye, a b'a fe ka minnu d'an hakili kan.

Geleya folo, o ye binjugu ye. Bin bora Npeseribugu kabini mekalo tile 9 fo ka n'a bila Zuwenkalo tile 5 la. Bin juguyara, k'a soro danni ma ke. O y'a jira ko bin ye forotigi kon, a ka foro la.

Geleya filan, o ye Agoro-metewo ka kunnafoniw lasebaliya ye, kunnafoni minnu be ke sababu ye, ka senekelaw bo fili la danni waati la.

Mamadu Jara b'a jini metewo nemogow fe, u ka kunnafoniw di cikelaw ma samiy'e baara ketawkan a waati jenjow na.

Jarake k'a be Mali senekelaw bee fo, ani kibaru lasebagaw an'a lamenbagaw Mali kono, an'a kokan. A ka foli be Teneko Tarawele ye Sirakoroba ani Demu SO, n'o ye baganmarala ye Sebeta, Bananba mara la.

Mamadu Jara Animateri ka bo Npeseribugu (Masantola)

Ka bo Tasona

Nin kera cekoroba do n'a denke ye. Don dola samiy'e fe, k'u to sene la, unanase yoro do la, foro kono.

Denke nan'i kanto ko ba : ne sera musofuru ye. Fa ma fen fo, a ma kuma, a ma keleñ da fila kan. Uye sene ke fo ka taa samiy'e ban. San nana yelema. Samiy'e were nana don. Uye sene ke fo ka na se yoro koro in na. Fa nan'i kanto ko : ne den ! i ko di ? Den nan'i kanto ko : ne Fa ! ne sera musofuru ye !

Mudi Samake be kibaru kanubagaw n'a lafasabagaw bee nininka, nin mogs filia la, n'o ye den n'a fa ye, jumen hakili ka di kosebe ?

Mudi Samake Tasona Falo
(Bila Kafo la)

Ka bo Fiyena

Nin ye letere ye min cir'an ma ka bo Siyaka Kumare yoro n'a sigilen be fiyena.

A y'a jir'a ka bataki kono ko : samiy'e daminera yoro caman, nka ale Siyaka ye fen min jate mine an ka senekoyorow la, a b'a fe ka doonin fo kan. O te dowera ye, mogo minnu be surukaw ta samiy'e fe senekel kama; ni surukake ka senefenw jena ni jatigike ta ye, a be feere bee do tige, walasa k'a kadunanke in gen ka taa ka bo a ka senefenw jennen koro, a yere b'o fara a ta kan. Feere were min be tige Surukaw jatigikew fe, o ye k'u muso bila walima k'a su dunanke la. Muso b'o lanini n'o ma sira soro, jatigike be kele jagoya tige a la.

Siyaka Kumare k'a be Bamu Sinayogo fo ani Baba Ture fo Guni.

Siyaka Kumare
Ka bo Fiyena (Kulukoro)

KENEYA

Jurasonkalannin n'a nafa.

Jurasonkalannin ye jiri ye ni dōw b'a wele ko darasonkalannin. A b'e se ka nafa min ne bi, farafinna kunun ani bi jangaro furake siratige la o ka ca. Jirisun min don a kundama be taa metiri fila fo ka se metiri saba hake ma. A bolofara ka ca kosebe, wa u ka misen. N'i y'a bolow file, i b'a sorō sinin b'u la, aye kolobilenye, a fara b'e se ka yonkon a kan, n'a jukorōla, k'ake faranninw ye.

A furabulu kelen janya b'e se ka santimetiri 5 sorō, a pampara b'e se santimetiri 2 ni tila ma.

Si b'a furabuluw dugumala la. A feere ka ca kosebe. Feere ninnu ye jeman ye a b'e se ka ke bilenman sanuye. A feere sumakadi kosebe. Jurasonkalannin b'e sorō yorōw la, i n'a fōdala minnu b'e se ka ja sanga ni waati bée Saheli kungo kono. Anw fe yan Mali kono, jurasonkalannin b'e sorō jisigiyorōw la, samiyé waati. Nka a b'e se ka sorōyorōwerew la, yorōminnute nin si kelen ye Mali kono yan.

Jurasonkalannin joyorō n'a nafa te se ka fo, k'a ban banaw kelen la, i n'a fo kaliya kono dimi mana i mine, f'i b'e wosi a ne bée ma i b'e wuli ka taa jurasonkalannin furatige iben'a tobi, k'i barakorōla wusu, i b'a ji min sogoma ni wula, a ka ca Ala fe, a b'en a ke sababu ye k'i ka kaliya kono dimi ban.

A nafa dōwre b'e yen, i n'a fo ni den ye taama damine, dōw senw kolo b'e fagaukan. Obana ni sensabana «poliyo» te kelen ye, n'o bana sugu b'e den min na, i b'e taa jurasonkalannin diliw bo, ka n'a tobi, ka to ka den sendigi n'a ye, k'a ko n'a ye. A ka ca Ala fe, o den

masina b'e taama n'a farikolo k'eneman ye.

Jangaro were minnu b'e se ka furake ni jurasonkalan ye o dō ye jangaro ye min b'e tali ke jalamine nasira la; ka d'a kan jalamine be na siranin minnu fe, tumadōw la, ni «sopisi» n'a nogonnaw b'il, n'i ko i b'e jalamine ke ab'i dimi. Jurasonkalannin b'o furake. Jangaro were be yen, i n'a fo n'i sen wali bolo joginna, kuru do b'en bo i woro koro walima i kaman koro, n'an b'o wele ko genen-genen jurasonkalannin b'e se k'o genen-genen kele.

Jangaro were be yen n'o be tali ke mogokoyanfan, n'o ye kodimi ye, o be kele ni jurasonkalan ye cogo min na, o file : i b'e jurasonkalannin dili bo, k'o tobi, i b'e dō min o ji la, k'i ko a la fana. N'i y'o ke siye fila tile kono, ka dō min sogoma, ka dō min wula fe. O be se ka jalamineke dimi ani genen-genen ni kodimi furake.

Baganw fan fe, misi dōw b'e se ka bali bangela, n'an b'a fo makoborogemisi. Jurasonkalan b'e se k'o misi masina deme a ka se ka bange ka misiden caman sorō. O siratige la, an b'e jurasonkalannin furabulu muguboo. O mugu b'e fara misi ka dumuni kan i n'a fo bu wali misi ka kogo. N'a y'o dun a b'e mine k'a bonya, wa bange fana b'en a cay'a fe kosebe.

Jurasonkalannin b'e se ka bana were furake i n'a fo mogomindaji b'e to ka cay'a da ni fooco nege b'a mine.

A b'e se ka dan n'a nogonnaw fana kele.

Jurasonkalan b'e se ka hakilila bana dōw nogoya.

Daji caya n'a fooco nege ni dan n'a nogonnaw ni hakilila banaw b'e se ka furake ni jurasonkalan ye cogo minna ofile : an b'e jurasonkalannin dili bo, n'an y'a tobi, banabaato b'e dō min a ji la sogoma, ka dō min a la wula fe. Minbe fara dan ta yorōkan, farikolo yoro minnu b'e banabaato dimi, olu b'e ko n'a ye.

Bana dōw fana b'e se ka kele ni jurasonkalan ladon ye. Jurasonkalan ladon mana fara balanbalan kan, o b'e se ka sogosogoninje furake. Walasa a ka se ka sogosogoc kele, an b'a bulu bo k'o da ji la, k'o min.

Mogo farikolo mana fara nogon kan ka kuru, a b'e se ka kumun wali katon nogon kan, jurasonkalan b'o fana furake, ani farikolo yere-yere ni fasajali, n'olu ye mogo min sorō, jurasonkalan ladon b'e se ka far'a diliw kan, k'o tobi a k'o ji dō min, ka a ko dō la.

O b'a fari foni ka nogoya don bana kofolen ninnu na.

A YE KIBARU BILASIRA

Walasa, «KIBARU», k'a kalanbagaw rekorōta, folubec ka baarakclaw bilasira n'u sen donni y'a dilahnni ha. O bilasirali walo ye tetere sebenne de ye, k'a ci «KIBARU» ma. O siratige la, sebenne b'e ke ten minnu kan, olu dōw file : sigiyorōw kumafoni, hakilijakabo kumaw, maanaw, nsininiw, nientenw, kumakoromaw, yetekow ani pojyw. Otemenentso, hadamadenyakow, politikkow, natasorokow, sekow, donkow, ani

yiniwalikow, olu faamuyalicogo, aw yereb bolo. Mali, Afriki ani diné kono, olu fana b'e se, ka seben. Aw b'e se, k'a hakilihataw seben, zurunali, «KIBARU» ditancogokan, i k'a kunnafoniw janyali n'u surunyali, a konkokow diyal n'u goyal, akalannin ogoyal n'agelyali, an a lolow yecogou. Akra cogo o cogo, n'aw b'a fe, «KIBARU» ka ke cogo min na, aw bo seben. An ka adressi file.

KIBARU BP - 24 BAMAKO (Mali).

Ka bo Balikukalan Baarada némogosoba la : Balikukalan ni denmisénkalan

A kéra telewison filebagawye wo, a kéra arajo lamébagaw ye wo, walima

yére kunnafonisebenkalannaw, caman bora a kalama sa yéléma min bë ka don an ka jamana kalanko la, kérénkérénnya na min bë kë an fakanw na.

Yéléma in bë tali kë kalan na min bëna kë denmisénw kun Mali fan bëe, Faso kanw na, n'an ko denmisénkalan.

Kalankura in, n'o yedenmisénkalan ye, a daminéra ka ban yére Kayi, Kulukorô, Segu,, Moti maraw la.

Minye bamanankan ye, kalan in bë senna sisán Otiwale dugu·mugan (20) de kóno : Namakanna, Banankoroni, Keneba Julafondo, Duba, Safe Konijan, Julafondo, Tunufu, Karan Farage, Sanankorô, Balala, Sakolenda, Tajanabugu, Moribugu Kanja, Kansamana, Sakorô, Sokurani, Baga, Buguba, Kenema, Tegekura. Nin duguw kalansow bë wele ko duguyiriwalikalansow.

Poroze Eo4 hukumu kóno, n'o ye Mali ni Inisefu ka Poroze ye, min nésinnen bë musow ni denmisénw ka kalan ma lakolisolant duguw la, kalan in bë senna Janginebugu, min file nin ye bada la, Kulukorô mara la, ani Nónina ni Jeli-Fonso, Segu mara la.

Danfara jumen de bë balikukalan ni denmisénkalan ce ?

Danfara bë nin kalan suguya filace. A bë tali kë dakun damado la :

- kalan kebagaw : balikukalan kebagaw ye muso ni cë balikuw ye, denmisénkalan dun nésinnen bë denmisénw ma, cëmanninw ni musomanninw, minnu si bë fo san 15.

Kalanwaatiw : balikukalan hukumu kóno, kalan bë ke don o don (fo don kelen wali fila), su fe, waati 2-3 kóno, denmisénkalan hukumu dun kóno, kalan bë ke don o don fana (fo

don kelen wali fila), tile fe, waati 4 kóno ; kalansenw ani kalan këcogo : denmisénkalan kalansenw ka ca kosebë ka temé balikukalan taw kan. Kalansen minnu bë kë denmisénkalansow kóno, olu bë tali kë kalanje ni sèbenni na, ani jate kan. Kumajëfö, somiladamu (fénw lasali), farikolo, hadamadenyakalan ni jamanadenyakalan, séné, baganmara, kénéya, jamanakalan ni tariki, ani dowerew. Balikukalan dun kalansenw bë tali kë kalanje ni sèbenni ani jate. Kalan ketaw te kelen ye cogo min, kalankëcogow te kelen ye o cogo la. Sabu dò bë ben denmisénkalan na, o te ben moggokorobakalan na...

Denmisénkalan ni fen min bë se ka sanga nögón ma, o ye tubabukalan ye :

fen o fen bë ke lakolisol la, o bëe bëna kë an ka Faso kanw na, an ka denmisénkalansow la. Hali sanjateko min bë lakolikalan na, jatemine kéra o la denmisénkalanko la.

Denmisénkalanso labenni siratige la,

baara caman kéra : laje camankéra, gafew dilanna dönniya taasira bëe fe, kalansow dayeléla kalan yére jeni n'a nebaliya dönni kama. O la, baara fen o fen bëe senna sisán, o bëe ye sifilebaaraw ye.

Nka geleýaba yére min yera, ni kuma bë yelen a kan tuma bëe, o ye karamogow taliko ye duguw fe. Kalan in ne n'a nebaliya bëe sirilen bë o de la. N'o ma jenabo fosi te na ne soro. Ka d'a kan sénekela, n'a fóra k'o k'a jo lakolikaramogojoyorola, ka denmisénw kalan don o don, kabini waati 8 nan fo waati 12 nan, n'i ma fen kologirin d'o ma min b'a déme, a mæen o mæen, baara keli salaya bë don a la.

Denmisénkalanko in, Kolonjeba de folo y'a jumine Mali kóno an fe yan ni denmisénkalan min bë wele ko «Sewu», «Save the children», ka déme ye. A jirala ko kow bë sen numan kan yen an bë i ko bi min na.

Sumana Kane
Balikukalan Baarada Bamako

E ni tanuni ka kan !

Ne kan b'e ma, dugu kalaméne
Ne ni e don, jama ka fiyentobere

E min y'i ka baara bën ne ka faamuyali ma

E min k'i te sigi ni ne ma se kalan ni sèbenni na

E min k'i te da, fo ne ka se jate la
A barika i ye bi, i ni foli ka kan !

Kuma jugu si te, anw ma min fœma
Jogojugu si te, an ma i sanga min ma

Sonjugu si te, an ma min da i la

Dow k'i ye fugari ye,

Dow k'i ye fana ye

Dow ko ci t'i la, k'i ye jado ye

Dow k'i ma da dondala kama

Sinjibolo m'i galabu faga !

Nin si m'i bo i ka sira in kan

E min sera k'o bëe kun !

A barika i ye bi, i ni foli ka kan !

Anw tun t'a don ko saniya de ye banaw fura folo ye, jaajaa naman ni jinogó de bë anw ka soso caya !
Ala ni e ka césiri,

Ne ye n'ka Gundow marayoro soro,

Ne kona se ka n faw ka kelen döwta,
Dugu kalandenw jora; an ka ton sigikun sabatira,

An yére ni némogow bë sigi ka nögón kunnaфони

An ka jetaasira caman kun donna
an yére bolo

Nisongo jateli n'a kafoli te
kamanaganko ye tun !

Ka don fo duw kóno k'an son hakili
numanw na

E Kéra sababu numan ye anw ma
Ka ke misali ye dugudenw cëma

K'i saniya, k'i taayorow dòn

K'i kewalew n'i kumacogow dòn

Ne b'i fo, ka barika da i ye, k'i
walenumandòn

Bì, i ni foli ka kan

Nka halibi o i b'i jija dë,

Kalan te fen banta ye.

Lamine Sise
Ofisi-ri Kalanso némogo Joro

Farafin furabolaw lafasali

Minisiriw ka laadala tönsigi ye naniya do siri san 1994, Zuwenkalo tile 29 kunben senfe, ka jesin an ka farafin furakelaw yamaruyali ma, uk'uyerewka dogotoroso dilan, walasa u ka se k'u ka furakeli ni furafeere ke o yoro ninnu na.

Ajirala ko Mali ye noba bo farafin furake la, fura minnu sgesegera dogotoroba faamuyalenw fe folo, sann'a bøbagaw n'a furakelilaw ka yamaruya sør a waleyali la lujuratow fan fe.

Anbedon minna, ikobi Maliciyakedaba min jesinnen don hadamadenw ni kenyali walew ma, o ye latomoni ke Mali laadala furakelaw cema walasa k'a døn ni kise be minnu ka furaw ni furakeli cogow la, ka deme lase olu ma, u ka baara kadara kono. A kolosira k'an ka farafin furakela caman be furakeli ni furafeere ke yorodowla, saniya nibesey a kise kelen te yoro minnu na.

Sariya do bøna laben farafin furakelaw kama, min ben'u lafaza u ka baara kecogo juman na.

O sariya siratige la, Minisiriso min ka baara jesinnen don mogow ni lakanani ma, ani mogokrobaw ladonni ni hadamadenya walew bee lajelen, o dogotoro faamuyalenbaw de bøna ke farafin furakelaw ka sariya in kolosibagaw ye. Waati min na, Mali ye sariya boloda farafin furabolaw ye, k'u deme u ka baara kecogo juman na, o benna ni lajeba do ye min kera Bamako, k'a ta zuwenkalo tile 27 la fo ka n'a bila zuluyekalo tile folo la.

Farafin furakela mogo 50 jogon tun be laje in kene kan, minnu bora Kodiari, Gana, Togo, Lagine, Burukinafaso, Senegali ani Mali yere kono.

Jamalajeba in senfe, a jirala ko bolodijogohma ka kan ka sinsinjamana kofolen ninnu laadala furakelaw ni jogon ce, walasa u ka se k'u ka dønniya falen, ka jogon son hakili la, ka farafin furaw jensen Mali n'a kerfe jamanaw bee kono.

Tönsigilaw y'a jini fana sariya kerenerenni do ka laben u kama, min b'u lafaza u ka baara tiimeli kouman na. U y'a jira k'u mago be goferenamaw bee ka deme na; ub'a fe farafin furabolaw ka kalansoba do ka dilan Abijan dugu kono, n'o ye Kodiari faaba ye, k'u ka ciyakeda do fana jo Bamako min ka

baara bøna jesin dønniya kuraw jinini walew ma farafin furako sira kan.

Farafin furabolaw ka tönsigi kene kan, mogo damado ye kuma ta k'u fela jira u ka nogonye in kan.

O folo kera Kodiari jamana ka ciden ye n'oyedogotoro Alifonsi Kuwame ye. Alifonsi y'a jira ko farafin furabolaw be ka sira ni sanga soro kosebe olu bara. U tilalen don jekulu fila ye, minnu tönden yerew y'u ka sariyajate minne ukabaara tiimeli kouman n'a lafasali la goferenamana ka kolosili kono. A ko Bamako laje y'a jira ko farafin furakelaw te se ka taa jogon ko.

O la sa, ale sago ye jogon siraataama, jogondeme, ni hakili ni dønniya falen ye u ni jogon ce.

Mogo filanan min ye kuma ta kene in kan, o kera Mayimuna Erezini Jufu ye ka bo Senegali. Mayimuna y'a jira ko Mali be ten kan farafin furako la. Ale ka jamana bolo donnen kura don a la; nka u fana y'a damine ka jekuluninw sigi sen kan. An file yoro min na, Senegali ciden ka fo la, olu ma lakodon folo goferenamana fe. A ko ni

Ala sonna, u ben'u nemada Mali farafin furakelaw ka baara jumanw kecogo kan, walasa u fana be se ka sira soro joona laadala furakelikow la.

Kuma tabaga sabanan tun ye Amawi Ama Ayawo ye ka bo Togo jamana kan.


Ale ka koro senfe, a y'sinsin a yere ka wale kelenw kan farafin furaboli sira kan. Faramansinw camanb'abolo Lome dugu kono, n'o ye Togo faaba ye; wa foyi te feere yen ni farafin furaw te. A ka furafeereyoro døw fana be Abijan ani Wagadugu. A taar'a ka fura dilannenw jira jamana caman kono, i'n'a fo Faransi, Kodiari ani Lasipalimasi.

Amawi ko farafin furabolaw ka jekuluba lakodonnen don Togo goferenama fe kabini san 1984. Sisan u be ka min makono, o y'u ka baara sariya taabolow yamaruyali dili y'u ma fangaso fe, bawo mogo caman be yeresagokela Togo min ni farafin furako ka jan jogon na, i ko jegejalani baji.

Kene in kan Togo ciden ko k'ale haminanko do ye nin laje jogonnaw ka toka laben waati ni waati walasa farafin furakelaw ka jekaf be se ka ke jekake lakika ye, daamu be min na kosebe.

TULON

Nin desen fila dilanbaga y'a dab'a kama, ka fili 10 k'u la. A y'olu jini.



1 : Kons min be jukro, o ku kecogo - 2 : Duklik kandé - 3 : Berke jukro kuruw - 4 : Duklik desenw - 5 : Binju kelen min be duguma, numanfe - 6 : Furabulu kelen min be binju la, numanfe - 7 : Jiritu min be fo k'e, numanymarnan na - 8 : Samfèbre kuen

KCR

Depiteso ye wele bila cikélaw minisiri ma

San 1994, Zuwenkalo tile 30 temennen, sosoliba do kera depitesoba la, Mali cikélaw ka minisiri Bubakari Sada SI ni depite cemoko SANGARE ni nogon ce koori sanni n'a feereli kan Mali kono. Cemoko SANGARE ye «ADEMA» pariti tonden ye. Buguni depite do fana don. An b'aw hakili lajigin fen kelen na, o ye aw k'a don ko minisiri Bubakari Sada SI ye «ADEMA» pariti tonden do ye, pariti min ka depite yamaruyalenw ka ca depiteso la ni parti tow ta ye.

Cemoko SANGARE ka nininkali folo tun be koori santaw sugandili cogo kan, k'a don koori min ka ni ni min ye, bawo koorisenela caman be k'u ka nisongoya jira o wolomali kecogo kan.

Nininkali filanan tun be goferenaman joyoroko kan koorisenene minenw ni nogow n'u nogonnaw sorocogo la nogoya la koorisenelaw bolo; bawo bee b'a don ko sefawari jaasili nana ni fen bee songo gelevali ye.

Minisiri Bubakari Sada SI y'a jira ko Cemoko SANGARE ka nininkali fila ninnu nafa ka bon kosebe k'o sababu ke koorisenelaw ka dugutonw cayali ye, duguton minnu hake be se 2260 ma. Wa koorisenela yerev hake be t'i jo mogo miliyon fila ni ko la.

Minisiri Bubakari Sada SI, k'a ma son depite Cemoko ka kuma ma, a y'a foli min ke ko kooricikelaw dusu tijelen don u ka soro da nagasiliko la u ka koori latomonwaati, k'a don ko koori suguya min be min ne ha la. Minisiri k'omisali be se ka ta san nata feere tigelenw kan kooriseneciyakeda fe, n'oye «C.M.D.T» ye.

Bubakari Sada SI y'a fo ko «C.M.D.T.» ye san were sannifeere boloda k'o koori sora da hake dogoyalenba ke toni 330.000 ye, k'a soro salon ta tun ye toni 240.000 ye. Minisiri ka foli la, taalen nef, san 1997 ni 1998 ce, Maliko kooriseneciyakeda «C.M.D.T.» b'a fe ka koorisenec yoro tow cikélaw bee fara nogon kan, k'u ke dugutonw ye.

* A ka jaabi kono, cikélaw ka minisiri ko, ko koori latomonni, k'a don min ka ni ni min ye, o sirilen don ko fila de la.

* Sugandili be tali ke folo, lamerikenw ka minisiriso min ka baara nesinnen don senekow ma, o ka feere tigelenw kan koori santa latomonni na dije seleke naani beela, ka danfara don koorifereta songow ni nogon ce, k'o sababu k'u suguya wolomalenw neliye nogonye. O wale te Mali doron kunko ye.

Koorifereta wolomali be tali ke ko filanan minkan, oye koorisenelaw yerewhakilina ye. Bubakari Sada SI ko a mana ke

cogo o cogo, koori santa songo sirilen don a jeli n'a jeyali de la. Koori juman fana te soro koori forow ladonni kojuman k'o, n'o ye koori furakeli ye ni fura jumanw ye ani koori latomonni n'a lamarako juman.

* Minisiri y'a jira ko jenawoloma ni jenawofile fan si man kan ka ye koori feeretaw sugandili, bawo joyorobadebe koorisenla Mali ka soro yiriwali la. A ko depite Cemoko Sangare be ka koorisenela minnu ka kow jore mine, k'olu hake te foyi ye, kooricikelala tow koro, minnu k'a koori sanna koori suguya folo mangutulenw fe songo jenama la. A ka fo la, ni koorisenelaw jora kene kan, Mali kono, an b'a ye k'a fo ko mogo 100 o 100 cema, mogo 99 nogon bee lajelen ka koori senelen sugandira k'a ke koori juman folo ye, min nafa ka bon cikélaw yerev ma..

* Bubakari Sada SI k'a b'a jini cemoko SANGARE fe, sann'a ka ke Buguni koorisenelaw surunadonni ye, k'a soro u ka koori man ni, a k'a bolo mogon be malidenw bee ma, walasa minnu te koorisenla jenon kosebe, an k'olu deme u ka nafa soro u ka cike la.

I n'a fo Cemoko Sangare y'a fo cogo min, a ka nininkali filanan kono ko do farala koorisongo kan, k'o koro ye ko koorisenelaw bina koori cikeminew ni nogow n'u nogonnaw soro da gelenba la. A k'a b'a fe k'a don ko goferenaman joyor bina ke mun ye, walasa kooricikelaw be se k'o minen kofolen ninnu soro daduman na ka ben n'u ka baaraw waati ye.

* Oyoro la, cikélaw ka minisiri k'o nininkali te dower ye, ni sefawari nagasili bina nafa lase kooricikelaw ma, walima n'a bina ke sababu ye k'u ka soro nagasi. A k'a b'a jini depite Cemoko Sangare fe, a ka d'a la, k'a fo ko sefawari nafa dogoyali tenu foyi bo koorisenelaw ka soro la, bawo goferenaman y'o dabali tige k'a ban.

* A ka koro laban na, minisiri Bubakari Sada SI y'a jira ko feere dwo bolodara Mali fangaso ni koorisenelaw ka ciyakeda «CMDT» fe, dosen kura donn na

koorisene yiriwalikow koro. O benkanw kadara kono, koori santa songow bina yelema walasa senekelaw ka tono soro u wosiji la.

- Koori juman sugandilen folo bina ke sefawari 125 ye.
- Koori juman sugandilen filanan songo bina ke sefawari 105 ye.
- Koori sugandilen sabanan songo bina ke sefawari 90 ye.

«PAM» ka deme Mali kono

Dije jamana horonyalenw ka tonba «ONU» bolofara min ka baara nesinnen don a tonjamaw demeni ma sumanko siratige la, n'a be wele ko «PAM», o ye suman suguya caman toni 900 di maliden mogo 42.000 ma, burudamekele kera sababu ye ka minnu bila nemadogo la Moritani jamana kono.

Mogo kofolen ninnu bolila, ka b'o Mali kejekanyanfan fe, san 1990 ni 1991 ce, ka t'u kalifa Moritanikaw ma, walasa u be se ka kisi cogo min na burudamekele balawu masibaw ma. Moritani ni Mali ni dije jamana horonyalenw ka tonba «ONU» bolofara min ka baara nesinnen don mogo bolilenw laseginni ma, u ka jamanaw kono, n'o be wele ko «H.C.R», olu y'u bolono bila bennkansében do la, min be maliden bolilen ninnu yamaruya seginni na u faso kono, n'a ma ke ni gerente ni jagoyako ye. Nka «H.C.R» kok'aye min kolosi ko burudamek binnkanni be ka juguya ka t'a fe, o de koso mogo bolilen caman t'a fe ka segin, ubara.

On'ata ota, mogobaa kelen nogonna sonna seginni ma Mali kono, bolono bilalen ko here jini seben na, a tun jiralen be seben min kono ko burudamek ka murutii dabilala.

KIBARU JINI SEBEN

Togo
Jamu
Dugu wali sokala
Arondisiman
Serikili
Mara
N'b'a fe, ka «KIBARU» soro, kalo o kalo, san kelen kono.
Wari sarata ye doreme 200 ye

(Nin seben in lafa, k'a tige, k'a ni 200 ci, nin aderesi la :

KIBARU - BP : 24 - BAMAKO - (Mali)